



**L**Vdouicus honestis parentibus natus, & optimè educatus est. Is post prima literarum fundamēta in patria percepta sese hinc inde ad varias Academias contulit, & liberalium artium studia egregiè didicit. Inde animum ad Iurisprudentiā conuertit, & in ea scientia tanta diligentia profecit, ut Legum Doctor crearetur. Inerat quoq; ei naturalis facundia, & rerum agendarum dexteritas. Id cum illustrissimus princeps Henricus Brunsvicēsis cognouisset, eum ad se uocatum inter suos consiliarios adoptauit. Ibi Ludouicus magna animi moderatione uixit, & principi ob uirtutes gratissimus extitit. Itaq; cum anno millesimo quingentesimo sexagesimo secundo Maximilianus Ferdinandi filius Franckoforti Cæsar inauguraretur, Ludouicus sui principis nomine Legatus interfuit, atque cunctis ob uariam eruditionem innotuit. Hoc modo is etiamnum pergens superest, & suum nomen ad posteritatem magna laude transmittit. A-  
nonymos.